


文翰大成

五十六




七言律詩

宋

漢書門				
類	號	函	架	冊
三	七	四	四	一
一	四	三	四	一
一	〇	〇	〇	〇

內閣文庫				
類	號	冊	函	架
三	七	四	四	一
一	四	三	四	一
一	〇	〇	〇	〇

內閣文庫	
番號	漢 3741
冊數	100 ( 35 )
函號	362 68





類選大成卷第五十八七言律目

漢章文庫

陳

去非

四首 曾吉甫

十一首 王邁

二首 洪覺範 三首

田元邈

一首 葉少蘊

一首 王履道

二首 姜光彥 二首

滕元秀

一首 盧賚元

一首 李巽伯

一首 胡明仲 二首

汪彥章

一首 朱淑真

一首 胡邦衡

十二首 潘子賤 二首

楊偕

一首 芮國器

一首 樓大防

四首 胡少汲 二首

章冠之

一首 王景文

二首 趙紫芝

九首 黃師憲 一首

符文叔

通首 吳彥高

二首 張德容

二首 朱師美 一首

張元石

一首 元德舉

十首 李致美

二首 王元老 二首

劉致君

四首 劉無黨

二十首 陸務



廿一首 洪景廬 二首

党世傑

六首 王子端

二首 趙周臣

三首 周德卿 二首





趙文孺六首 劉之昂一首 魏飛卿一首 王逸賓二首

劉正夫一首 路宣叔二首 酈元暉三首 楊之美五首

李之純四首 袁說友一首 汪大猷三首

文翰類選大成卷第五十六 七言律目錄

尋二子綸巾鶴髮試春風

寓居劉倉解中晚步過鄭公臺上

紗巾竹杖過荒陂 滿面春風二月時 世事紛紛人老易 春陰漠漠絮飛遲 士衡去國三間屋 子美登臺七字詩 草遶天西青不盡 故園歸計入支頤

重陽

去歲重陽已百憂 今年依舊歎羈遊 籬底菊花惟解笑 鏡中頭髮不禁秋 涼風又落宮南木 老雁孤鳴漢北州 如許行年那可記 謾排詩句寫新愁

清明

雨晴閑步澗邊沙 行入荒林聞亂鴉 寒食清明驚客意 暖風暹日醉梨花 書生投老王官谷 壯士偷生漂母家 不用鞦韆



與蹴踘只將詩句答年華

對酒

新詩滿眼不能裁  
鳥度雲移落酒盃  
官裏簿書無日了  
樓頭風雨見秋來  
是非來去書生老  
歲月匆匆燕子回  
笑撫江南竹根枕  
一樽呼起鼻中雷

陪粹翁舉酒於君子亭之下海棠方開

世故驅人殊未央  
聊從地主借繩床  
春風浩氣吹遊子  
暮雨霏之濕海棠  
去國衣冠無態度  
隔簾花葉有輝光  
使君禮數能寬否  
酒味撩人我欲狂

醉中

醉中今古興亡事  
詩裏江湖搖落時  
兩手尚堪盃酒用  
寸心惟是鬢毛霜  
山擁郭東西去  
禹穴生雲朝暮奇  
萬里征

文翰類選大成卷第五十六

左長史上海李伯璵編輯

伴 讀慈谿馮厚校正

詩類

七言律

宋

次韻周教授秋懷

陳去非

一官不辦作生涯  
幾見秋風捲岸沙  
宋玉有文悲落木  
陶潛無酒對黃花  
天機恣之山新瘦  
人世悠之日自斜  
謾矣載書三十乘  
東門無地不宜瓜

登岳陽樓

洞庭之東江水西  
簾旌不動夕陽遲  
登臨吳蜀橫分地  
徙倚湖山欲暮時  
萬里來遊還望遠  
三年多難更憑危  
白頭弔古



風霜裡老木滄波無限悲

與大光同登封州小閣

去程欲數莽難知三日封州更作遲  
青嶂足稽天下士錦裘  
今有嶠南詩共登小閣春風裏  
回望中原夕靄時  
萬本梅花為我壽一盃相屬未全癡

傷春

廟堂無策可平戎坐使甘泉照夕烽  
初恠上都聞戰馬豈知  
窮海望飛龍孤臣霜髮三千丈  
每歲煙花  
萬里長沙  
向延閣疲兵敢犯大羊鋒

懷天經智老因以訪之

今年二月凍初融睡起蒼溪綠  
向東客子先陰詩卷裡杏花  
消息兩聲中西庵禪伯還多病  
北窗懶仙只固窮  
忽憶輕舟

無賦筆茫々遠望不勝悲

天經山中

當復入州寬作期人間踏地有安危  
風流丘壑具吾事籌策  
廟堂非所知白水春波天澹々  
蒼峰晴雪錦灘々  
恰逢居士  
身輕日正是山中多景時

題東家壁

斜陽步屨過東家便置清樽不煮茶  
高柳光陰初罷絮嫩是  
毛羽欲成花群公天上分時棟  
閑客江邊管物華  
醉裏吟詩  
空跌蕩借君素壁落栖鴉

秋日客思

南北東西俱我鄉聊從地主借繩床  
諸公共得何俟力遠客  
新秋陸氏方老去事多藜杖在夜來  
秋到葉聲長蓬萊可詠



無因至試覓人間千仞岡

次韻家對

袞々諸公車馬塵先生孤唱發陽春  
黃花不負秋風意白髮空隨世事新  
閉戶讀書真得計載肴從學豈無人  
只應又被支郎笑從者依然困在陳

除夜

城中爆竹已殘更朔吹翻江意未平  
多事鬢毛隨節換盡情燈火向人明  
比量舊歲聊堪喜流轉殊方又可驚  
明日岳陽樓上去烏煙湖霧看春生

雨晴

天缺西南江面清纖雲不動小灘橫  
墻頭語鵲衣猶濕樓外殘雷氣未平  
盡取微涼供穩睡急搜奇句報新晴  
今宵絕勝

無人共卧看星河盡意明

雨中對酒庭下海棠經雨不謝

巴陵二月客添衣草一杯觴恨醉遲  
燕子不禁連夜雨海棠猶待老夫詩  
天翻地覆傷春色齒豁童頭祝聖時  
白竹籬前湖水濶茫茫身世兩堪悲

觀雨

山客龍鍾不解耕開軒危坐看陰晴  
前江後嶺通雲氣萬壑千林送雨聲  
梅壓竹枝低復舉風吹山角晦還明  
不嫌屋漏無乾處正要群龍洗甲兵

觀江漲

漲江臨眺足銷憂倚杖江邊地欲浮  
疊浪併翻孤日去兩津橫捲半天流  
鼉鼉雜怒爭新穴鷗鷺驚飛失故洲  
可為一官



妨快意眼中唯覺欠扁舟

送熊博士赴瑞安令

衣冠來之相逢處草木蕭之未變時聚散同驚一枕夢悲歡  
各誦十年詩山林有約吾當去天地無情子亦飢笑領銅章  
非失計歲寒心事欲深期

舟行遣興

會稽尚隔三千里臨賀初盤一百灘殊俗問十言語異長羊  
為客路岐難背人山嶺重之去照鵝梅花樹之殘酌酒掩樓  
今日意題詩船壁後來看

度嶺

羊律將窮天地温兩州風氣此橫分已吟子美湖南句更振  
東坡嶺外文隔水叢梅疑是雪近人孤嶂欲生雲不愁去路

二千里少任林間看夕曛

次韻謝呂居仁

別君不覺歲時荒豈意相逢魑魅鄉篋裏詩書總零落天涯  
形貌各昂藏江南今歲無胡虜嶺表窮冬有雪霜倘可卜鄰  
吾欲往草茅為蓋竹為梁

八月十五夜月二首

曾吉甫

玉露金波不可孤相瞻今夕定何如氛埃未淨雨湔洗陰翳  
小留風掃除丹桂看來元了之白榆種得許疎之一杯濁酒  
非難事未有新詩報卷渠

雲日晶瑩固自佳幽人有待至昏鴉遠分岳際松楓對復亂  
洲前蘆葦花曳履商聲伶此老倚樓長笛問誰家霜螿玉柱  
姚江上作意三年醉月華



癸未八月十四日至十六夜月色皆佳

年之歲之望中秋歲之年之霧雨愁涼月風光三夜好老夫  
懷抱一生休明時諒費銀河洗缺處應須玉斧脩京洛胡塵  
滿人眼不知能似浙江不

次韻王元勃問予齒脫

齒危但以粥充虛辜負公家夏屋渠政恐麴生真作崇可憐  
鬚簿頓成疎動搖不減韓吏部蹴踏非勤焦校書落勢今年  
殊未已祇應從此併無餘

李泰發參政得旨自便將歸以詩送之

苦遭前政墮危機二十餘年詠式微天上謫仙皆欲殺海濱  
大老竟來歸故園松菊猶存否舊日人民果是非最心即君  
今弱冠別時聞道不勝衣

福州張淵道荔子

豈無重碧實瓶壘難得輕紅薦一杯千里人從閩嶺出三年  
公送荔枝來玉為肌骨涼無汗雲作衣裳皺不開莫訝關情  
向尤物厭看綠李與楊梅

曾宏父分餉洞庭柑

黃柑送似得嘗新坐我松江震澤濱想見霜林三百顆夢成  
羅帕一雙瓊流泉噴霧真宜酒帶葉連枝絕可人莫向君家  
樊素口瓠犀微嚙遠山顰

荔子

異方風物髮成斑荔子嘗新得破顏蘭蕙香浮襟解後雪冰  
膚在酒酣間絕知高韻傾瑤柱未覺豐肌病玉環似是看來  
終不近寄聲龍目儘追攀



食筍

花事闌珊竹事初一番風味殿春蔬龍蛇戢之風雷後虎豹  
斑之霧雨餘但使此君常有子不憂每食嘆無魚丁寧下  
番須留取障日濺風却要渠

送曾宏父守天台

莫作陽關墮淚聲丹丘勝事要君聽興公賦裏雲霞赤子美  
詩中島嶼青天近豈無宣室召地偏猶有草堂靈鑿坡飛上  
動回首記取來遊舊客星

適越留別朱新仲

扁舟綠漲漕渠時解釋離懷政用詩管鮑交朋無變態朱陳  
嫁娶有佳期長洲茂苑着身久秦望鏡湖行脚宜二浙中間  
才一水短書莫使寄來遲

送呂倉部治先守齊安

齊安別竹夔循良分付吾家坦腹郎賸有江山連赤壁畧  
訟獄到黃堂鈴齋書亦宜深念邊瑣秋高合過防此地元之  
遺烈在勦旃幸未鬢毛蒼

返魂梅

徑菊庭蘭日夜摧禪房未合有江梅香今政作依稀似花乃  
能令頃刻開笑說巫陽真浪下寄聲驛使未須來為君浮動  
黃花月挽取林逋句法回

諸人見和再次韻

蠟炬高花半欲摧班之小雨學黃梅有時燕寢香中坐如夢  
前村雪裏開披拂故令攜袖滿橫斜便欲映窓來重簾幽戶  
深之閉亦恐風飄不得回



雪後梅花盛開折置燈下

滿城桃李望東君，破曉江梅未上春。窓几數枝偷靜好，園林一雪倍清新。已無妙語形容汝，不用幽香觸撥人。迨此暇時當舉酒，明朝風雨恐傷神。

喻子才提舉，招昌源觀梅，倦不克往。蘇仁仲有詩次韻。

問公何許看花回，賸說郊坰十里梅。對雜古今他處少，枝分南北一齋開。昌源已辦行厨去，離緒猶須使節來。况復蘭亭公所葺，清流九曲要傳盃。

十月一日

屋角羲娥轉兩輪，今朝水帝又司辰。山家嘗稻知良月，野徑尋梅見小春。一歲坐看除得盡，百年正與死為鄰。誰能思許無窮事，閉閣開爐但飲醇。

長至日述懷兼寄十七兄

老來逾覺白駒忙，眼看重陽又一陽。心似死灰飛不起，技如寒日短中長。厭看賓客空投謁，強對妻孥略舉觴。回首山陰翻勸地，應憐鴻鴈不成行。

壬戌歲除作明朝六十歲矣

櫺榻蕭然文室空，薰銷火冷閉門中。光陰大似燭，見跋問學只如船。逆風一歲臨分驚，老大五更相守笑。兒童休言四十明朝過，看取霜髯六十翁。

歲盡

漏箭更籌日夜摧，萬牛不挽白駒回。梅花雪片歲除盡，萱草柳芽春鼎來。病裏詩書元不讀，貧中樽俎未嘗開。年光似此真虛擲，請以丹心學死灰。



寒食只旬日間風雨不已

年光胡不少留連  
孰食清明又眼前  
敢望深宮傳蠟燭  
可堪小市禁炊煙  
滿城風雨無杯酒  
故國松楸欠紙錢  
老病心情冷時節  
只將書策替幽禪

乙卯歲江南大旱七月六日臨川得雨奉呈仲高侍御

縹緲爐烟上帝闈  
朝來一洗旱如焚  
龍頭無復成龜兆  
水面初看起縠紋  
政使夏畦炊白玉  
未妨秋稼刈黃雲  
使君憫雨心猶在  
化得邦人不茹葷

自七月二十五日大雨一日秋苗以蘇喜雨有作

夕驕陽轉作霖  
夢回涼冷潤衣襟  
不愁屋漏床之濕  
且喜溪流岸之深  
千里稻花應秀色  
五更桐葉最知音  
無田似我田欣舞  
何況田家望歲心

滄海石郭內風雨凄然真顧道餉酒

煙雨昏三月梅全家避寇  
寄城隈欲尋碧落侍郎去  
遽沐青州從事來  
今我妻孥爭洗盞  
相公伯仲正傳盃  
安能鬱鬱久居此  
且傍茶山松徑回

雪作

臥聞霰集却無聲  
起看堦前又不能  
一夜紙窗明似月  
多年布被冷如水  
履穿過我柴門客  
笠重歸來竹院僧  
三白自佳情亦好  
諸山粉黛見層層

上元日大雪

勾芒整轡決辰間  
雪片相隨大可觀  
桃李園林有餘潤  
燒燈庭院不勝寒  
柳條弄色政爾好  
梅蕊飄香殊未闌  
便似落花飛絮去  
直疑春事併衰殘



十二月六日大雪

薄晚蓬山下直餘笑看六出點衣裾  
絮飛簾外無繁絆花落階前不掃除  
松鬣垂身全類我竹頭搶地最憐渠  
短檠便可捐牆角剩有窓光映讀書

南山除夜

薰風吹船落江潭日月除盡猶湖南  
百華忽覺度強半十事不能成  
二三青編中語要細讀蒲團上禪清  
飽參兒時顏赤聽渠改瀟湘水色深  
接籃

夏雨

王邁

彌旬不雨懶龍乖乾我茅齋一畝苔  
火傘亭中當年六月雷車德  
半天來催詩笑我孤吟苦  
憂國愁眉八字開池水庸能添幾許  
兒童已報可浮盃

元日次日立春

年從爆竹暗中移椒柏迎歡上酒卮  
今日天晴宜麥熟明朝春到報花知  
好奇謾說鷄千跣行樂都來蒸一炊  
但得新年詩有料不妨貧似去年時

京師上元

洪覺範

及時膏雨已闌刪黃道春泥曉未乾  
白面郎敲金盞過紅粧人揭綉簾看  
管絃沸月喧和氣燈火燒空奪夜寒  
咫尺鳳樓開雉扇玉皇僊仗紫雲端

上元宿嶽麓寺

上元獨宿寒岳寺臥看篝燈映絳紗  
夜久雪猿啼嶽頂夢回明月上梅花  
十分春瘦綠何事一掬鄉心未到家  
却憶少年開樂處軟紅香霧噴京華



鞦韆

畫架雙栽翠絡偏佳人春戲小樓前飄揚血色裙拖地斷送  
玉容人上天花板潤沾紅杏雨綵繩斜擘綠揚煙下來閑處  
後容立疑是蟾宮謫降仙

江梅

田元邈

千林含凍鬱蒼蒼只有江梅獨自芳暗吐幽香穿別院半欹  
斜影入寒塘冰膚宛是姑仙女粉面端疑騎省郎若是蜜奴  
曾拂掠肯收紅豔貯蜂房

送嚴壻侍郎北使

葉少蘊

朔風吹雪暗龍荒荷橐驚看玉節即楛矢石磬傳地產醫閭  
祈木照天光傳車玉帛風塵息盟府山河歲月長寄語遺民  
知帝力勉拋鋒鏑事耕桑

觀僧舍山茶

王履道

山僧手種兩山茶看到婆婆髮已華應為客懷驚歲杪先將  
春色照天涯綠裁犀甲層層葉紅染猩猩唇豔豔花凍頰如丹  
相映渥不辭衝雨踏泥沙

思杜亭

姜光彥

十里松陰古道場一亭還復枕瀟湘詩翁至死憂唐室野客  
于今弔耒陽牖戶雲生山雨集巖溪花發曉風香不惟臨眺  
添惆悵自是年來髮已霜

己酉中秋任才仲陳去非會飲岳陽樓上酒半酣高  
談大笑行草間出誠一時俊遊也為賦之

岳陽樓高幾千尺俯視洞庭方酒酣萬頃波光天上下兩山  
秋色月東南興來鸞鵠隨行草夜永魚龍駭笑談我欲煩公



釣鰲手盡移雲水到松庵

送胡邦衡之新州貶所二首

一封朝上九重闕是日清都虎豹閑  
百辟動容觀奏牘幾人回首魏朝班  
名高北斗星辰上  
身落南州瘴癘間  
不待百年公議定  
漢庭行召賈生還

大厦元非一木支  
要將獨力柱傾危  
瘥兒不了公家事  
男子要為天下奇  
當日姦諛皆膽落  
平生忠義抵心知  
端能飽喫新州飯  
在處江山足護持

拄杖

滕元秀

久矣相隨若弟昆  
周全險阻可須論  
斷橋測水露半影  
野路獨泥留亂痕  
痴坐自怜今日癩  
顛持敢忘昔年恩  
得君分付吾何恨  
休向林間打睡門

窗外梅花

盧養元

已消殘雪豆楷灰  
斜壓疎籬一半開  
雖我故園無分看  
問渠春色幾時來  
冷香漸欲薰詩夢  
落葉猶能韻砌臺  
定復水邊多履齒  
試令長鬣視蒼苔

和田南仲梅

壽陽粧額大  
矜持不待宮貂賜  
口脂情妙風姿冷  
雪妬定真消息有  
春知試看呵手  
攀條處何似成陰  
着子時莫遣王孫  
三弄絕早尋  
疎影對江湄

送二十兄還鎮江

李巽伯

此行檢校幽棲事  
佳處知公故未忘  
新筍豈應過母大  
舊松想已及人長老  
來對客須靈照  
貧後持家藉孟光  
世亂身危何處是  
二年孤負北牕涼



和趙宣二首

胡明仲

徧遊南北與西東欲訪人間國士風處世甚疎皆笑我宅心  
無累獨奇公詩才自媿非三上酒聖相後又一中芍藥待開  
應且住莫令清賞轉頭空

冠月裾雲佩綠霞百年將以送生涯愁心別後無詩草病眼  
燈前有醉花落筆擅場聊寫意背山臨水遂成家也須南畝  
多栽秫休似東陵只種瓜

靈惠公廟

汪彥章

臺殿崇之冠冢巔行人跪起白雲邊山河霸業三千里歌舞  
靈衣五百年鐵馬威神通異域袞龍書命降中天偃王遺種  
班之在好乞韓碑記邈綿

春雨

朱淑真

添得垂楊色更濃飛煙捲霧弄輕風染勻芳草茸之綠濕透  
天衣薄之紅潤物有情如着意催花無語自施工一犁膏脉  
分春隴只慰農桑望眼中

梨花

朝來帶雨一枝春薄之香羅感蕊勻冷落未饒梅共色靚粧  
長與月為鄰許同蝶夢還如蝶似替人愁却笑人須到年之  
寒食夜情懷與你倍傷神

海棠

胭脂為臉玉為肌未赴春風二月期曾比浴泉妃子睡不吟  
西蜀杜陵詩桃羞艷冶偷藏眼柳妬妖嬌低皺眉燕子欲歸  
寒食近黃昏庭院雨絲之

荼蘼



花神未怯春歸去故遣仙姿殿後芳白玉體輕瞻魄素紗  
囊薄麝臍香夢思洛浦嬋娟態愁記瑤臺淡薄粧勾引詩情  
清絕處一枝和雨在東墻

風

正阻行程江岸間江頭三日繫歸船水光激浪高翻雪風力  
推沙遠漲煙撥悶喜陪樽有酒供厨不慮食無錢雕章見及  
唯虛辱勉強賡酌愧斐然

上元

壓塵小雨潤生寒雲葉澄鮮月正圓十里綺羅春富貴千門  
燈火夜嬋娟香街寶馬嘶瓊轡輦路籃馬響翠軒高掛珠簾  
凝望處分明星斗下瑤天

雪

誰剪飛花杏出尖素娥肌肉瑩相兼分明幻玉迷青嶂輕  
隨風入畫簷凍筆想停詩客手寒蓑料擁釣翁髯長安陋巷  
多貧士可見鷄衣透膽嚴

和和靖八梅

胡邦衡

感時濺淚幾時乾顧影伶仃獨立難自恐迹孤無與對誰憐  
族冷不勝寒未應一世供愁斷長願三更秉燭看雨過花邊  
行更好猶嫌子美借銀鞍

風高小立夢初殘步之凌空對廣寒照眼雙明清可搗閑情  
一味淡相看曉縈瑞霧黏初潤晴映高雲薄未乾三嗅臨風  
思無限藜宮遙夜酒初闌

暗裏尋香自不迷照空焉用夜燃臍欲危踈朵風吹老太瘦  
長條雨颭低孤豔幾時同把盞野香猶記助看題唐人未識



高標在浪自紛人說李蹊

瘦吟幽翫有餘妍更向高人獨樂園無垢未應經露沐不縉  
寧信受塵昏春風自識明妃面夜雨能清吏部魂揮向膽瓶  
看更好凜如明水薦靈樽

當年曾見鳳城頭入骨貪看興未休小摘欲論千種恨微吟  
還喚一番愁每嫌俗物薰心醉長願清馨滿世留穠李倚風  
梨帶雨比方應合面駢羞

縞裙練帔照釵荆霜竹寒松秀色井八詠格高凌太白千林  
地迫切西清着枝有味知深意歌屋無言似薄情日暮水邊  
空悵望渾如湘浦見皇英

一年佳處早梅時勾引風情巧釣詩未分霜凌禁瘦朶漸看  
春入柰愁枝晚尤奇特憐無伴夜更分明不可私冷落便須

憑酒煖從今鄒律未消吹

紛之紅紫勿相猜自古騷人酷嗜梅早蓋折花憐老社黃梅  
時雨憶方回一耐凍天憐惜滿世趨炎我獨來桃李爭春  
身老大急須吟醉莫停杯

過三衢呈劉賁少

別離如許每引領邂逅幾何還着鞭微服過宋我何敢大國  
賜秦公不然衰鬢彫零已子後高名萃嶺方丁年即看手搢  
天下砥山中宰相從雲眠此景  
休也

雷州和朱或秀才詩時欲渡海

何人着眼覩征驂賴有新詩作指南螺髻層之明晚照蜃樓  
隱之倚晴嵐仲連蹈海徒虛語魯叟乘桴亦謾談爭似澹庵  
乘興往銀山千壘酒微酣



和李參政泰發送行韻

落網端從一念差崖州前定復何嗟萬山行盡逢黎母雙井  
渾疑到若耶山鬼可人曾入夢相君談易更名家此行所得  
誠多矣更願從公北泛槎

和李參政送行韻答黃舜楊

打成大錯一毫差萬里去尋留子嗟微管閑思齊仲父賜奴  
長價漢渾邪道窮恰我空憂國句好知君定作家便欲相攜  
趁帆飽要觀子美賦靈槎

梅花二首

潘子賤

天與孤高花獨新世間草木信非倫影涵水月不受采氣傲  
冰霜何待春冷淡自能驅俗客風騷端合付幽人往來百匝  
堦除裏頓使心無一點塵

氣律崢嶸歲欲新寒梅芳信冠群倫直能平地凌大雪可是  
回根迎小春九畹蕙蘭真上客千山桃李盡庸人即今携酒  
江郊去弄藥攀條一拂塵

郡舍偶書

楊偕

偃息鈴齋度歲華著書人盡笑齧牙斯文自信驚天地吾道  
誰知繫國家獨愛杉篁寒不變更憐江海闊無涯因思朝市  
爭名地何似優游刺吏衙

羅浮寶積寺

芮國器

木落天寒山氣沉年華客意共蕭森偶於佳處發深省其實  
宦游非本心紅日坐移鐘閣影白雲閑度石樓陰還家莫話  
神仙事老不寬人雪滿簪

環林踏雪

樓大防



荀輿衝雪過溪橋流水方東未晚潮白裏不知梅奮色青邊  
尤喜麥成苗煙深帶雨參差下空闊隨風自在飄可是忍寒  
詩更切故求野路踏瓊瑤

頃游龍井得一聯王伯齊同兒輩游因足成詩

路入風篁上翠微老龍蟠井四山圍水自綠淨不可噉魚若  
空行無所依勝處雖多終莫及舊游誰在是皆非祇今匏繫  
何由到徒羨聯鑣帶月歸

次韻送汪尚書致政還鄉

世事相牽無了期平生待足是何時  
仙官不作九關夢納祿尚餘三徑資  
紫紱金章寧復戀黃冠野服自相宜  
耳根贏得長清淨理亂後人不用知

送王伯齊守筠陽

三槐名德著清門七葉為州賴  
自君道院無忘山谷賦郡齋  
當寄穎濱文君應膝上憐文度  
山向東床憶右軍振起家聲  
差易耳便看奏最躡青雲

與劉邦直

胡少汲

夢魂南北味平生邂逅相逢意已傾  
楚國山川千壘遠隋堤煙雨一帆輕  
我無健筆翻三峽君有長才肅五兵  
同是行人更分首不堪風樹作秋聲

和山字韻

章句飄飄續小山古風蕭瑟筆追還  
海鵬共擊三千里鐵馬同歸十二閑  
功業相看鍾鼎上聲華已在縉紳間  
他年記憶憐衰老為報西川引一班

寄荆南故人

章冠之



餘生自拚一虛舟未嘗尋詩慰客愁梅欲飄零猶醞藉柳繞  
依約已風流關心弟妹無黃犬入夢江湖有白鷗別後故人  
相念否東風應倚仲宣樓

東流道中

王景文

山高樹多日出遲食時霧露且零霏馬蹄已踏兩鄰舍人家  
漸開雙竹扉冬青匝地野蜂亂蕎麥滿園山雀飛明朝大江  
載吾去萬里天風吹客衣

吳體

留別虞樞密

太倉宇宙久陳之合與英豪共挽新脩造鳳樓須有手住持  
烏寺可無人千官禮絕三司貴一士心歸萬國春藉與八風  
吹六翮飛騰意度不無神

秋夜偶書

趙紫芝

此生謾與蠹魚同白髮難收紙上功輔嗣易行無漢學玄暉  
詩變有唐風夜長燈燼挑頻落秋老蟲聲聽不窮多少故入  
天祿貴猶將寂莫嘆揚雄

呈蔣薛二友

中夜清寒入緼袍一杯山茗當香醪禽翻竹葉霜初下人立  
梅花月正高無欲自然心似水有營何止事如毛春來擬約  
蕭閑客同上天台看海濤

移居謝友人見過

賃得民居亦自清病身於此寄漂零筍從壞砌磚中出山在  
鄰家樹上青有井極甘便試茗無花可挿任空甌巷南巷北  
相知少感爾詩人遠扣扃

十里



烏紗巾上是黃塵落日荒原更恐人竹裏  
枯木祭為神亦知遠役能添老無柰高眠  
惟十里明朝難得自由身

潤陂山七作

一山大半皆楮葉絕頂閑尋得徑微無日  
謾勞攜紙扇有風猶怯去綿衣  
野花可愛移難活啼鳥多情望即飛  
惟與寺僧居漸熟煮茶深院待人歸

陳水雲與造物遊之樓

何處飛來縹緲中人間惟有畫圖同  
兩層簾幙垂無地一片笙簫起  
半空岸竹低添秋水碧渚蓮平接夕陽  
紅遊人未達蒙莊肯虛倚闌干面風

孤山寒食

三月芳菲在水邊旅人消困亦隨緣  
晴舒蝶羽初勻粉雨壓楊花未放綿  
有句自題閑處壁無錢難上貴時船  
最憐隱者高眠地日春風是管絃

病起

身如瘦鶴已伶俜一臥兼旬更有零  
朝客偶知親送藥野僧相保密持經  
力微尚覺衣裳重才退難徵筆硯靈  
惟有巖花心未已遍分黃菊插空瓶

贈源長老歸自湘中

白髮半頭寒未剃形容清瘦異於常  
為人作畫衣添黑對客圍棋爪甚長  
不染世間如菡萏只留胸次著蕭湘  
住山亦自年來懶竹閣明前借一房

秋夜獨酌

黃師憲



溪山態足身無事天地功深歲有秋投老相從管成子平生  
得意醉鄉侯捲簾清坐月排闥橫笛人家風滿樓可是離人  
更遺物何緣身世兩無求

和題稽古軒

宇文叔通

堆架繡綉聚都居眼前長物掃無餘避賢肯要鄰人卜論友  
先尋上世書汲井不瀆憂經短隨波聊復任丹虛勿欺文室  
縈容膝六合神游有日車

重陽旅中偶記二十年前二詩因而有作

舊日重陽厭旅裝而今身世更悲涼添白髮先春雪淚着  
黃花助晚霜客館病餘紅日短家山信斷碧雲長故人不恨  
村醪薄乘興能來共一觴

生日和甫同諸公載酒袖詩為禮感備之餘以詩為謝

詞人詩句壓離騷按膝長吟意自豪袖裏紅蜺衝霧色筆端  
風雨駕雲濤將衰難稱千年祝增重虛蒙隻字褒太史已應  
飛急奏文星偏傍使星高

涇王許以酒餉龍溪老人幾月不至以詩促之

先生寂寞草玄文正要侯巴作富鄰客至但須樽有酒日高  
不怕甌生塵急催嶺外傳梅使來餉籬邊采菊人已掃明窓  
供點筆為君擬賦洞庭春

長安懷古

吳彥高

佳氣猶能相鬱葱雲間雙闕峙蒼龍春風十里霸陵樹曉月  
一聲長樂鐘小苑花開紅漠漠曲江波漲碧溶溶眼前疊嶂  
青如畫借問南山共幾峯

過南湖偶成



杏山松檜紫坡陀湖面無風亦自波綠鬢朱顏嗟老矣落花  
啼鳥柰春何詩人未必皆憔悴世事從來有折磨列坐流觴  
能幾日知誰對酒愛新鵝

訪香林老

張德容

風雨無時浪蹴天南浮舟楫信多艱半生夢破寒江月萬里  
春回故國山歸客自傷青鬢改高僧長共白雲閑  
溪西地未厭相從水石間

南京遇馬丈朝美

浮雲久與故山違茅棟如存尚可依行路相逢初似夢舊遊  
重到復疑非滄江萬里悲南渡白髮幾人能北歸二十年前  
河上月尊前還共惜清輝

暴雨

朱師美

掣電奔雷掩靄間崩騰白雨襲人寒顏山黑霧傾濃墨倒海  
衝風瀉急湍勢似陽侯夸海若聲如項籍破章邯炎歊一濯  
須臾耳已看天圍碧玉寬

二月

張元石名公藥字用安簡公孝  
純永錫之孫鄆城令

二月芳時何等好南陌東城饒物華春風無意管楊柳晴日  
有心烘杏花故山隨分可嫌老宦游到處聊為家夢歸草堂  
捲簾箔幾點白鷗眠淺沙

新秋示友

元德舉名昂豐城人

一頃山田半已蕪閉門高卧著潛夫不才分作溝中斷舊好  
誰瞻屋上烏南阮強須攀北富東江何用嘆西隅自怜幽默  
相忘久聞鳥鳴蟬在叫

帝城



帝城回想夢魂中秋月春花在處同朱雀橋南三月草鳳凰樓上四更風錦囊別後吟牋少玉笛閑來酒盞空贏得當時舊標格九分憔悴入青銅

懷友

曾聯金纒貴春風花裏風前酒面紅行樂昔年君我醉詩觴何日我君同一聲啼鳥青春晚幾樹殘紅野寺空相憶情懷正蕭索半山夕日水聲中

新香

新香終比舊香濃只是相逢久不容繡被暫同巫峽夢銀鞍多負景陽鍾寶檀煙斷閑金獸玉鎖聲傳惱睡龍簾影漸分風又起一塘秋水落芙蓉

別友

從來鷄鶴不同群涇渭何人與細分鏡裏光陰誰念我雲中岐路已饒君清觴日吸年時月白雪休徵夢裏雲別後相思不相見水邊黃葉暮山村

惜春

春來春去惱春晴花落花開又幾經夜雨多情愛沾灑楊花無賴只飄零每成宴賞須成醉不恨歸來却恨醒眼見紅英留不住綠枝深處一星星

客思

客思逢春易感傷不堪殘泪愛家鄉離親恍惚來千里餬口淒涼在四方羞向孫劉圖富貴浪從李杜學文章官街坐對黃昏月半屋清燈滿地霜

送妹夫之太原



山舍秋氣冷參差送客西城落日低  
怨別弟兄歸快之戀鄉車馬去遲之  
浮萍聚散元無定流水東西却有期  
惆悵黃榆故山路碧天回首鴈南飛

偶成二首

當年樂事嘆今衰人事空驚日未移  
風榭醉眠摧鳳燭雨窓狂飲帶蛾眉  
長松茂草窮年事野水孤村入夢時  
強鑷髮絲臨晚鏡瞥然塵念不勝悲  
短髮臨風懶不冠窪尊塵空寂無歡  
離騷夕賦醒尤獨孤憤空書說轉難  
晚節憤成林壑僻幽居深入水雲寒  
蒼崖瘦石無窮思鵲立溪頭盡日看

白雲亭

李致美

白雲亭上白雲秋桂棹蘭漿記昔游  
往事已隨流水去青山

空對夕陽愁興亡翻手成舒卷今古無心自去留  
獨倚西風一惆悵數聲柔櫓下汀洲

題武元直赤壁圖

鼎足分未漢祚移阿瞞曾困火船歸  
一時豪傑成何事千古江山半落暉  
雲破小蟾分樹暗夜深孤鶴掠舟飛  
夢尋仙老經行處只有當年舊釣磯

易足齋

玉元老

名寂蘄州玉田人中華路轉運使金天德進士

吾愛吾廬事幽此生隨分得優游  
窮冬夜話蒲團暖長夏朝眠竹簟秋  
一榻蠹書閑處看兩盃薄粥飽時休  
紅旗黃紙泚吾事未羨元龍百尺樓

自東營來廣寧道出牽馬嶺經梁利器墓下

毀譽澆息蓋棺百年春夢大槐安  
功名倒挽九牛尾富貴



真成一鼠肝故國鷲花人事改空山風雨夜臺寒平生老我  
心如鐵醉眼西州泪不乾

別墅二首

劉致君

墻根兩大土花碧秋筍寒添一兩莖愛買僻書人笑古痛憎  
俗事自知清黃花催織紉出白髮欺人故之生體粥年來  
吾稍具厭隨鞍馬逐浮名

風雨驅寒入弊裘閑齋氣味冷颼之年華過眼驚飛鳥利祿  
催人窘督郵竈下旋添温炕火床頭剩買讀書油可人誰似  
黃夫子着意裁詩寄四休

謝孔遵席後堂畫山水圖

家在龍沙弱水東榻來塵世笑春風都將天外蓬虛景漏作  
人閒畫手工五腕雪迴犀管細寶煤香散鳳綉空只應大地

山河影常記飛鸞下月中

龍德宮

碧拱朱甍面々開翠雲稠疊鎖崔嵬連昌庭檻渾栽竹罨畫  
溪山半是梅藻井香銷塵化網銅欄秋澁雨留苔只應千古  
華清月狼藉春風媿露臺

寄題安崑起官舍北垣

劉無黨

一軒高占鳳麟洲要作人間汗漫遊海國風煙自朝暮洞天  
日月幾春秋夢魂欲拂三花樹活計聊隨一葉舟待我丹成  
訪君去閩風佳處卜菟裘

莫州道中

風林葉々墮霜紅天未晴客一鏡空野曠微聞烏鳥樂草寒  
時見馬牛風人生險阻艱難裏世事悲歌感慨中白髮孀親



倚門處夢魂千里付歸鴻

和人七夕韻

今古良宵此會同望窮雲物有無中間鈿合三山隔天上  
靈槎一水通鳩鵲樓空紈扇月鴛鴦機冷箜篌風不瀆更乞  
蛛絲巧久矣人生百巧窮

題吳彥高詩集後

片雲蹤迹任飄然南北東西共一天萬里山川悲故國十年  
風雪老窮邊名高驥北無全馬詩到西江別是禪頗憶米家  
書畫否夢魂應逐過江船

代王簿上梁孟容副公二首

妙年椽筆賦長楊一日聲名滿四方天上風流青瑣客人間  
嘉慶綠衣郎錦囊看讀金花誥畫戟閑疑燕寢香預恐政成

趨急詔海沂無計駐王祥

自笑微官馬骨高十年霜鬢玉刀<sub>既</sub>長<sub>亦</sub>豐草未適性尖帽  
短靴安得豪名宦真同一鷄肋薄書空<sub>不</sub>兩牛腰故園清興  
湖山裏歸去經營一把茅

清明前十日作

雨餘天氣動朝寒寒食都來數日間羯鼓<sub>或</sub>催開小桃李畫隰  
圍出好溪山塵埃老我真堪笑風物撩人欲破慳梅雪已殘  
春過半一樽何處與公閑

聞立文晚集慶壽作詩戲之

桃李欲開風雨多花時猶得屨經過緩聽一曲玉連瑣滿泛  
十分金卷荷紅燭影紗聞喚馬翠羅承<sub>或</sub>見凌波杜陵老矣  
孤春事奈此詩愁惱亂何



明日復會客普照繼呈此詩去及瓜不數日矣  
室中呼起散花天來伴維摩到處禪百刻篆香消晝永一番  
花雨破春妍雲山真欲追聲叟風腋何妨借玉川他日相思  
共明月舊游應說禁烟前

觀古作者梅詩戲成一章

翠袖佳人脩竹傍風姿綽約破湖光靜中慣識形神影妙處  
誰知色味香觀想有靈通水月孤音無侶伴冰霜故人愁絕  
今何許煙雨霏子半黃

上施內翰

十年不見建安公草木依然臭味同賴有酒尊煩北海可無  
香瓣禮南豐天墀禮樂三十字海國鷗鵬九萬風正以高軒  
肯相過免教書客感秋蓬

聞彥美服藥以詩問訊

耳邊塵事且無喧聽我歸耕郭外村賤子自藏蝸殼舍故人  
誰並雀羅門書窓共作三年計尊酒相逢一笑溫不信家山  
不堪隱仇池今在古銅盆

次劉元直韻二首

秋來何事憶歸頻正以家無姪婦津未許桂枝招隱士不妨  
桃葉贈行人夢魂歷々千山遠客宦悠々五斗貧羣芳總爲刀  
許何日歸來舉案得紛綸

半年歸夢別離間只有音書鴈足還羅幕翠橫秋掩冉玉壺  
紅濕淚爛班天明不作霧非霧月破可憐山復山淮擬春風  
對眉撫一尊相對洗愁顏

和曹次仲韻因以自感



自笑區々學道難未容香火訪名山因循憂患餘生裏收斂  
光芒窘步間白社祝公今日始丹丘容我幾時還相從顛結  
翻經會共過壺中日月閑

陪諸友登三山亭

半濠清淺芰荷彫落日登臨未寂寥山色逼秋渾作市海聲  
迎暮欲吞潮沙頭白鳥疑相熟木末青旂苦見招不似常時  
對官府可無閑話及漁樵

次韻夜雨

海山何處是蓬瀛節物催人意自驚客裏厭逢今舊雨夢餘  
愁聽短長更故園頗覺歸期緩老境難堪此段清想得詩成  
正蕭瑟竹窓燈火夜微明

梅

誰道江梅不似尋常好其是橫枝為尋跡影暗香處獨立  
嫩寒清曉時嚼蕊不妨浮白飲認桃休賦比紅詩平生東閣  
風流在何遜而今髮欲絲

題歸去來圖

筆端奇處發天籟事遠懷人涕泗滂餘子風流空魏晉上人  
談笑自羲皇折腰五斗幾錢直去國十年三徑荒安得一堂  
重寫照為公桂酒瀉蕉黃

寄題孔德通東園

花木陰々一畝官平生高興與誰同尊罍北海無虛日鄉里  
東家有故風先業固知衣鉢在大門何惜橐奩空襄陽耆舊  
今誰識尚喜風流見阿戎

次韻鄺元與贈于元直道舊



倦游方嘆錦囊空，山道誰知一夕東。客裏簿書慚老子，詩中  
旗鼓避元戎。叩門莫厭經過數，促席聊容語笑同。此樂祇憂  
兒輩覺，不應品藻待渠公。

昌邑道中

屋角鷄號夜向晨，客床相對話悲辛。流離僅脫噲等伍，老大  
空為濟上人。却掃欲安無事貴，累人猶屬有錐貧。故山鄰里  
今安否，歸去同尋筍蕨春。

題仲山枝巢

鏡中青鬢雪霜皤，歲月從交落魄過。物理不容人太過，生涯  
休嘆我無多。百年竟似蠅鑽紙，萬事終同鼠飲河。祇恐徐公  
宿緣在，東風時夢海棠窠。

寒食臨川道中

陸務觀

百卉千花了不存，墮溪飛絮亦無痕。家人自作清明節，老子  
來穿綠柳村。日落啼鴉隨野祭，雨餘荒蔓上頽垣。道傍醉飽  
休相避，作吏堪羞甚乞墦。

秋思

利欲驅人萬火牛，江湖浪迹一沙鷗。日長似歲閑方覺，事大  
如山醉亦休。砧杵相望深巷月，井梧搖落故園秋。欲舒老眼  
無高處，安得元龍百尺樓。

病足累日不能出掩門折花自娛

頻報園花照眼明，蹒跚正廢下堂行。擁衾又聽五更雨，屈指  
都無三日晴。不柰病何拋酒盞，粗知春在賴鶯聲。一枝自浸  
銅瓶水，喜與年光未隔生。

病愈



倦榻呻吟每自哀  
占著來吉出餘災  
自能洗硯拂書几  
時亦折花尋酒杯  
久類寒蛟潛岫穴  
忽如老馬噴風埃  
霜晴爛熳東牕日  
一笑山坡訪早梅

五月初病體覺愈輕偶書

世事紛々了不知  
又逢乳燕麥秋時  
經年謝客常因醉  
三日無詩自恹衰  
乘雨旋移西崦藥  
留燈重覆北牕棊  
但將生死俱拈起  
造物從來是小兒

贈傅神水鑑

寫照今誰下筆親  
喜君分得卧雲身  
口中無齒難藏老  
頰上加毛自有神  
誤遣汗青成國史  
未妨着句號山人  
他時更欲求竒迹  
盡我溪頭把釣緡

贈道流

煙雲海處作生涯  
回首人間歲月賒  
留得朱顏憑綠酒  
掃空白髮賴丹砂  
七絃指下冷々久  
雙袖風中獵々斜  
他日相尋不知處  
會從漁父問桃花

湖上遇道翁乃峽中舊所識也

大罵長歌儘放顛  
時々一語却超然  
掃空百局無棊敵  
倒盡千鍾是酒仙  
巴峽相逢如昨日  
山陰重見亦前緣  
細思合辱先生友  
五十年來不負天

寄姜梅山雷字詩

章臺官柳映宮槐  
寶馬蹄輕不動埃  
只恠好詩無與敵  
誰知古學有從來  
江山常逐客帆遠  
歲月不禁衙鼓催  
剩約東鄰投淨社  
高情千載友宗雷

嚴州贈姜梅山



故人玉骨已生苔晚與君遊亦樂哉湖寺繫舟無夢去京塵  
馳騎有詩來醉中不敢教兒誦看處常須盥手開彈壓風光  
須健筆相期力幹萬鈞回

寄二子

六兒新作鶴林遊仲子經年戍吉州日日望書常至暮時時  
入夢却添愁得官本自輕齊虜對景寧當似楚囚識取乃翁  
行履處一生任運笑人謀

寓嘆

俗心浪自作勢絲世事元知似奕碁舊業蕭然歸亦樂餘生  
至此死何悲古人可作將誰慕造物無心豈自私已決殘春  
故流去短蓑垂釣月明時

後寓嘆

貂蟬未必出兜鍪要是蒼鷹已下韉彭澤竟歸端為酒輕車  
已老豈須侯千年精衛心平海三日於菟氣食牛會與高人  
期物外摩挲銅狄灞陵秋

書興

占得溪山卜數椽飽經世故氣猶全入門明月真堪友滿榻  
清風不用錢便死也勝千百輩少留更望二三年湖橋酒美  
能來醉一棹何妨作水仙

初歸雜詠

雪滿漁蓑雨墊巾超然無處不清真胸中那可有一事天下  
故應無兩人騎馬每行秋棧路喚船還渡暮江津酒樓僧壁  
留詩遍八十年来自在身

龜堂獨坐遣悶



放逐還山八見春枯顛槁頂雪霜新大床不解除豪氣凡眼  
安能識貴人食有淖糜猶足飽衣存短褐未全貧北牕坐卧  
君無笑拈起烏藤捷有神

遣興三首

壯年一箭落雙鷗野餉如今仗藥苗寒與梅花同不睡悶尋  
鸚鵡說無慄烏絲闌上詩初就綠綺聲中酒半銷老去可憐  
風味在永應山海混漁樵

家住城南剡曲傍門前山色蘸湖光三朝執戟悲年壯二頃  
扶犁樂歲穰名姓已隨身共隱文辭終與道相忘子孫勉守  
東臯業小甌吳粳底樣香

幾看人間歲月新釣船猶繫鏡湖濱曾穿高帝朝元仗却作  
山陰版籍民道病三分嫌太近忍飢半日未全貧早知畫錦  
能為崇翁子終身合負薪

題丈人觀道士壁

斷香浮月磬聲殘木影如龍布石壇偶駕青牛塵世窄閑吹  
玉邃洞天寒奇香滿院晨炊藥異氣穿岩夜浴丹却笑飛仙  
未忘俗金貂猶著侍中冠

題壁

葺得湖邊屋數椽茅齋低小竹窻妍墟烟寂歷歸村路山色  
蒼寒釀雪天性懶杯盤常偶爾地偏鷄犬亦翛然早知栗里  
多幽事虛走人間四十年

書憤二首

白髮蕭蕭卧澤中祇憑天地鑒孤忠  
阨窮蘇武餐氈久憂憤  
張巡嚼齒空細雨春蕪上林苑  
頽垣夜月洛陽宮壯心未與



年俱老死去猶能作鬼雄  
鏡裏流年兩鬢殘寸心自許尚如丹  
衰逢罷試戎衣窄悲憤  
猶爭寶劍寒遣戍十年臨  
滴博壯圖萬里戰皋蘭  
關河自古無窮事誰料  
如今袖手看

杜叔高秀才雨雪中相過留宿而別口誦以送之

父客方知行路難關山無際水漫漫  
風吹欲倒孤城遠雪落  
如從野寺寒暮挈衣囊投上室  
晨沽村酒掛驢鞍文章一字  
無人識習次徒勞萬卷蟠

送陳懷叔赴上臯酒官却還都下

奇才初試發矧刀疋馬秋風到上臯  
地近雖同三輔重時平  
無復五陵蒙極知穩步煙霄路  
却要微知郡縣勞歸去平津  
首開燕吐茵應復忤西曹

送任夷仲大監

往者江淮未撤兵丹陽邂逅識耆英  
叩門偶綴諸公後倒屣  
曾蒙一笑迎敢意癡頑成後死  
相從鬢鬢若平生小詩話別  
初何有一段清愁伴艣聲

守嚴述懷

桐君故隱兩經秋小院孤燈夜々愁  
名酒過於求趙璧異書  
渾似借荊州溪山勝處身難到  
風月佳時事不休安得連雲  
車載釀金鞭重作浣花遊

武林

皇輿久駐武林宮汴洛當時未易同  
廣陌有風塵不起長河  
無凍水常通樓臺飛舞祥煙外  
鼓吹喧呼明月中六十年間  
幾來往都人誰解記衰翁



入城至郡圃及諸家園亭遊人甚盛

老子何曾慣市塵今朝也復入城闈太平有象人々醉造物  
無私處々春九陌鶯花娛望眼一竿風月屬閑身不緣興盡  
回撓早要就湖波照角巾

西村暮歸

天氣清和脩禊後土風淳古結繩前村村陂足分秧水戶戶  
門通入郭船亭帳盜消常息鼓坊場酒賤不論錢行人爭看  
山翁醉頭枕槐根卧道邊

乍晴出遊

八十山翁病不支出門也賦喜晴詩小樓酒旆闌街處深巷  
人家晒練時本借微風欲帽影却乘新暖弄鞭絲歸來幸有  
流香在剩伴兒童一笑嬉

入都

葵萸登盤酒可賒豈知扶病又離家朝行打岸溝頭惡夜宿  
垂天斗柄斜不恨山林淹歲月但悲道路困風沙鄰翁好為  
看耕隴行矣東歸一笑譁

史院晚出

已乞殘骸老故丘誤恩重作道山游龍津雨過橋如拭鳳閣  
烟銷瓦欲流直舍少眠鍾報午歸途微冷葉飛秋心知伏櫪  
無千里縱有王良也合休

上章納祿恩畀外祠遂以五月東歸

身似霜松老不枯乞骸猶得侍清都百錢濁酒渾家醉六月  
飛甍徹曉無美睡不愁閑客曉出將自有小兒扶買山尚恐  
巢由笑敢向君王覓鏡湖



黃紙淋漓字似鴉即今真箇是還家園廬漸近湖山好鄰曲  
來迎鼓笛譁籩實傍籬收豆莢盤蔬臨水採芹芽皇家養老  
非忘汝不必青門學種瓜  
群玉峯頭孤夢斷五雲溪上野舟回傍人鷗鳥自然熟到處  
藕花無數開麥飯不廢猶面槁柴門閑閑自心灰雨未止作  
盆池地不怕冥之半月梅  
身是風前一斷蓬經年竊食竟何功倚天青嶂迎船出撲馬  
紅塵轉眼空網戶餉魚勝丙穴旗亭送酒等郢筒死前幸作  
扶犁叟免使淮南笑發紅  
此身唯一躬耕乞得餘年樂太平東觀並游驚昨夢西湖  
重到付來生一堤草露明晨照半浦荷香颭晚晴歷之歸途  
皆勝事江亭先聽棹歌聲

七十

七十殘年百念枯桑榆元不補東隅但存隱具金鴉甯那夢  
朝衣玉鹿盧身世蠶眠將作繭形容牛老已垂胡客來莫問  
先生處不釣娥江即鏡湖

枕上作

龍鍾七十豈前期矮帽枯筇與老宜愁得酒卮如敵國病渙  
書卷作良醫登山筋力雖尤健閉戶工夫頗自奇今日快晴  
春睡足卧聽簷鶻已多時

八十三

石帆山下白頭人八十三回見早春自愛安閑忘寂寞天將  
強健報清貧枯桐已爨寧求識敝帚當捐却自珍桑苧家風  
君勿笑他年猶得作茶神



戲遣老懷

平生碌々本無奇况是年垂九十時阿囷畧如郎罷意稚孫  
能伴太翁嬉花前騎竹強名馬階下埋盆便作池一笑不妨  
閑過日歎衰憂死却成癡

春近

短褐枯筇老病身龍鍾也復喜新春已知不解多年住且作  
都無一事入簷角鳥聲呼醉夢室中花氣襲衣巾朝來更有  
欣然處一筋山蔬勝八珍

睡起至園中

春風忽已到天涯老子猶能領物華淺碧細傾家釀酒小紅  
初試手栽花野人易與輸肝肺俗語誰能掛齒牙更欲世間  
同省事勾回蟻戰放蜂衙

立春日

江花江水每年同春日春盤放手空天地無私生萬物山林  
有處着衰翁牛趁死地身無罪梅發京華信不通數片飛飛  
猶臘雪村鄰相喚賀年豐

春行

九日春陰一日晴強扶衰病此閑行猩紅帶露海棠濕鴨綠  
平堤湖水明酒賤林陰逢醉卧牛肥稻隴看深耕山翁莫道  
渾無用解與明時說太平

春夏之交風日清美欣然有感

天遣殘年脫葛鞵功名不恨與心違綠陂細雨移秧罷朱舫  
斜陽擘紙歸花市丹青賣團扇象牙刀尺製單衣白頭曳杖  
人爭看共歎浮生七十稀



春日小園雜賦

久矣雲霄鍛羽翰小園聊得賦春寒風生鴨綠文如織露染  
猩紅色未乾不向山立歎零落且從兒女話團藥入言麥信  
春來好湯餅今年慮已寬

晚春感事

少年騎馬入咸陽鵲似身輕蝶似狂蹴鞠場邊萬人看鞦韆  
旗下一春忙風光流轉渾如昨志氣低摧只自傷日永東齋  
淡無事閉門掃地獨焚香

甲子立春前二日

頭風初愈喜身輕書卷時開覺眼明養熟犬雞隨坐起性靈  
烏鵲報陰晴韭菘釘鮓春盤好芝朮筴和臘藥成自笑衰殘  
殺風景燈前不擬入重城

東籬

東籬深僻嬾衣裳書卷縱橫雜藥囊無吏徵租終日睡得錢  
沽酒一春狂新營茅舍軒窗靜前旋煮山蔬七筋香戲集句成  
圖素壁本來無事却成忙

幽居初夏雨霽

楸花練花照眼明幽人浴罷葛衣輕燕低去地不盈尺鵲喜  
傍簷時數聲對奕軒牕消永晝晒絲院落喜新晴忽驚重午  
無多日綵縷纏筒吊屈平

初夏幽居

虛堂一幅接籬巾竹樹森疎夏令新餅竭重招麪道士床空  
新聘竹夫人寒龜不食猶能壽敝帚河施亦自珍枕簟北窓  
寧有厭小山終日尚嶙峋



麥熟市米價減鄰里病者亦皆愈欣然有賦

凶年已度麥方秋學道從來幸寡衣荷鋪自隨身若寄漉籬  
可賣飯何憂鄰翁瀕死復相見村市小涼時獨遊不怕歸時  
又侵夜新添略約跨清溝

幽居初夏

藤冠草履病支離門外紛々百不知解籜有聲驚卷枕飛花  
無力點清池閑思舊事唯求醉老感流年只自悲綠樹陰中  
紅練起一團零亂濕臙脂

夏日二首

吳中五月暑猶微竟日南堂坐掩扉綠樹露香鶯獨語畫廊  
風惡燕雙歸三千界內人々錯七十年來念々非投老萬緣  
俱掃盡從今憎亦不須依

梅雨初收景氣新太平阡陌樂閑身陂塘漫々行秧馬門巷  
陰々掛艾人白葛烏紗稱時節黃鷄綠酒聚比鄰振髯一笑  
吾真足不為無錐更歎貧

秋雨初晴有感

炎曦赫々尚餘威冷雨蕭々故解圍號野百虫如自訴辭柯  
萬葉竟安歸萼羹菰菜珍無價上釣魴魚隄欲飛散吏何功  
露一飽高眠仍聽搗秋衣

村居秋日

桔槔引水遠荒畦病臥蝸廬不厭低小聚數家秋靄裏平坡  
千頃夕陽西亭臯草木猶葱蒨天上風高已慘悽逋負如山  
炊米盡終年枉是把鋤犁

秋晚書懷



頽然死之復騰之萬事惟除死未曾無柰喜歡閑弄水不勝  
頑健遠尋僧喚船野岸橫斜渡問路雲山曲折登却笑吾兒  
多事在夜分未滅讀書燈

舍北行飯書觸目

落鴈昏鴉集遠洲青林紅樹擁平疇意行舍北三义路閑看  
橋西一片秋少婦破煙撐去艇丫童橫笛喚歸牛形容野景  
無餘思自恹癡頑不解愁

冬晴日得閑遊偶作

不用清歌素與蠻閑愁已自解連環閑年春近梅差早澤國  
風和雪尚慳詩思長橋蹇馬上棋聲流水古松間戩天有事  
君知否止乞柴荆到死閑

冬晴閒步東村由故塘還舍

紅藤拄杖獨相羊路遠東村小嶺傍水落枯萍黏解蝦雲開  
寒日上魚梁洛陽二頃言良是光範三書計本狂歷盡危機  
識天道要令閑健返耕桑

十一月八日步至西村

臘月風和意已春時因散策過吾鄰草煙漠漠柴門裏牛跡  
重野水濱多病所須惟藥物差科未動是閒人今朝佛粥  
更相餽更覺江村節物新

夜雨

蕭蕭殘髮雪侵冠舟之清愁用底寬把卷昏眸常欲閉投床  
睡興却先闌惟須酒沃相如渴未分人衰范叔寒雨霽定知  
梅已動佩壺明日試尋看

新年書感



早歲西游賦子虛暮年負未返鄉閭殘軀未死敢忘國病眼  
欲盲猶愛書朋舊何勞計車笠子孫幸不廢留畬新年冷落  
如常日白髮蕭蕭悶自梳

人日雪

病臥江村不厭深貂裘無奈曉寒侵非賢那畏蛇年至多難  
却愁人日陰翳孤雲生翠壁霏急雪灑青林一盃飯罷  
無餘事坐着生臺下凍禽

臨安春雨初霽

世味年來薄似紗誰令騎馬客京華小樓一夜聽春雨深巷  
明朝賣杏花矮紙斜行閑作草晴窗細乳戲分茶素衣莫惹  
風塵嘆猶及清明可到家

秋雨

虛窓入暮  
雲斷鴈籬根  
草綴孤螢  
老人嬾復  
親燈火  
卧看爐香掩素

秋雨北榭作

秋風吹雨到江濱小閣踈簾晚色分津吏報增三尺水山僧  
歸入萬重雲飄零露井無桐葉斷續煙汀有鴈群了却文書  
早尋睡簷聲偏愛枕間聞

春雨

倚欄正爾愛斜陽細雨霏度野塘本為柳枝留淺色却教  
梅蘂洗幽香小沾蝶粉初何惜暫濕鴛鴦身亦未妨造化無心  
能徧物憑誰閑與問東皇

雨



家近蓬萊白玉京草堂登望不勝清初驚野色昏至已見  
波紋細生殘醉頓消迎亂點微吟漸覺入寒聲只愁今夕  
虛簷滴又對青燈夢不成

久雨

梅天一日幾陰晴對酒無聊醉不成巧曆莫能知雨點孤桐  
那解瀉溪聲林深鳥鵲來無數草茂鋤耜去即生明日雲開  
天萬里御風吾欲到青城

小雨初霽

歸來偶似老淵明消渴誰憐病長卿小雨染成芳草色好風  
吹斷畫簷聲剪燈院落晨猶冷賣酒樓臺晚放晴莫道此翁  
遊興嬾蘭亭蕭寺已關情

小飲梅花下作

脫巾莫歎髮成絲六十年間萬首詩排日醉過梅落後通宵  
吟到雪殘時偶容後死寧非幸自乞歸耕已恨逢青史滿前  
閑即讀幾人為我作耄龜

六日雲重有雪意獨酌

遍遊數澤一漁舸歷盡風霜只緼袍天為念貧偏與徙人因  
見懶悞稱高地連海濤聲近雲冒山椒雪意豪偶得芳尊  
須痛飲涼州那得直蒲萄

小圃獨酌

少年裘馬競豪華豈料今為老圃家數點霏微社公雨兩叢  
閑淡女郎花詩成枕上常難記酒滿街頭却易賒自笑邇來  
能用短只將獨醉作生涯

對酒



老子不堪塵世勞且當痛飲讀離騷此身幸已免虎口有手  
但能持蟹螯牛角掛書何足問虎頭食肉亦非豪天寒欲與  
人同醉安得長江化濁醪

醉中自贈

富貴猶宜早退休一生齟齬更何求賦形未至欠壬甲語命  
寧湏憎斗牛粟里收身貧亦樂平陵埋骨死無憂狂歌醉舞  
真當勉剩折梅花插滿頭

梅花五首

家是江南友是蘭水邊月底怯新寒畫圖省識驚春早玉笛  
孤吹怨夜殘冷淡合教閑處著清癯辨造俗人看相逢剩作  
樽前恨索笑情懷老漸闌

休憑笛訴寒野艇幽尋驚歲晚紗巾亂插醉更闌猶憐心事  
淒涼甚結子青々亦帶酸

月地雲堦暗斷腸知心誰解賞孤芳相逢只恠影亦好歸去  
始知身深香渡口耐寒窺淨綠橋邊凝怨立昏黃與卿俱是  
江南客剩欲尊前說故鄉

玄冥行令肅冰霜墻角踈梅特地芳胥玉定煩脩月戶堆金  
難買破天荒了知一氣環無盡坐嘯千林凍欲僵力量世間  
難得似挽回歲律放春陽

折得名花伴此翁詩情恰在醉魂中高標不合塵凡有尤物  
真窮造化功霧雨更知仙骨別鈇丹那悟色塵空前身姑射  
疑君是問道端湏順下風

十一月八夜燈下對梅獨酌累日勞甚頗自慰也



奔走人間無已時夜窻喜對出塵姿移燈看影憐渠瘦掩戶  
留香笑我癡冷豔照杯欺麴蘗孤標逼硯結冰澌本來難入  
繁華社莫向春風怨不知

十二月初一日得梅一枝絕奇戲作長句今年於是  
四賦此花矣

高標尸壓萬花群尚恐驕奢習氣存月兔擣霜供換骨湘娥  
鼓瑟為招魂孤城小驛初飛雪斷角殘鍾半掩門畫意端相  
終有恨夜寒絀玉情誰溫

荀秀才送蠟梅十枝奇甚為賦此詩

與梅同譜又同時我為評香似更奇痛飲便拚千日醉清狂  
頓減十年衰色疑初割蜂脚蜜影欲平欺鶴膝枝插向寶壺  
猶未稱合將金屋貯幽姿

### 樊江觀梅

莫笑山翁老據鞍探梅今夕到江干半灘流水浸殘月一夜  
清霜催曉寒倚醉更教重秉燭怕愁元自怯憑闌誰知携客  
芳華日曾費纏頭錦百端

漣漪亭賞梅

判為梅花倒玉卮故山幽夢憶疎籬寫真妙絕橫窓影徹骨  
清寒蘸水枝苦節雪中逢漢使高標澤畔見湘纍詩成怯為  
花拈出萬斛塵襟我自知

射的山觀梅

射的山前兩塾巾籬邊初見一枝新照溪盡洗驕春意倚竹  
真成絕代人餐玉元知非火食化衣應笑走京塵即今畫史  
無名手試把清詩當寫真



凌厲冰霜節愈堅人間乃有此癯仙坐收國士無雙價獨出  
東皇太一前此去幽尋應盡日向來別恨動經年花中竟是  
誰流輩欲許芳蘭恐未然

園中賞梅二首

閱盡千葩萬卉春此花風味獨清真江邊曉雪愁欲語馬上  
夕陽香趁人慰眼紅苞初報信回頭清子又生仁羈遊偏覺  
年華速徒倚闌干一愴神  
行遍茫茫禹畫州尋梅到處得閑遊春前春後有回醉江北  
江南千里愁未愛繁枝壓紗帽最怜亂點糝貂裘一寒可賀  
君知否又得幽香數日留

梅

若耶溪頭春意慳梅花獨秀愁空山逢時決非桃李輩得道  
自保冰雪顏仙去要令天下惜折來聊伴放翁閑人中商畧  
誰堪比千載夷齊伯仲間

雪三首

瘴癘家一洗無更欣餘潤沃焦枯花壺夜凍先除水衣焙  
朝寒久覆爐松頂積高時自墮竹枝壓重欲相扶雲開正值  
春風早却看晴光滿九衢

但苦神寒惱病翁豈知上瑞報年豐一庭不掃待新月萬壑  
盡平號斷鴻繭紙欲書先硯凍羽觴終舉已尊空若耶溪上  
梅千樹欠我今年繫短蓬

平郊漫覺天低况復寒雲結慘悽老子方驚飛蚊蝶群兒  
已說聚撥猊中宵猿墮頻摧木徹旦鷄瘖重壓樓只待新晴  
梅塢去青鞵未怯踏春泥



作雪寒甚有感

雲暝風號得我驚  
硯池轉盼已冰生  
窓間頓失疎梅影  
枕上空聞斷鴈聲  
公子皂貂方痛飲  
農家黃犢正深耕  
老人別有超然處  
一首新詩信筆成

大雪

大雪江南見未曾  
今年方始是嚴凝  
巧穿簾罅如相覓  
重壓林梢欲不勝  
攪壘擲盧忘夜睡  
金羈立馬怯晨興  
此生自笑功名晚  
空想黃河徹底冰

雪中作二首

竹折松僵鳥雀愁  
閉門我亦擁貂裘  
已忘作賦遊梁苑  
但憶街枚入蔡州  
屬國餼糧真強項  
翰林煮茗自風流  
明朝日暖君須記  
更看青鴛玉半溝

鬢毛無奈歲華催  
一笑登臨亦樂哉  
平地忽成三尺雪  
遶湖何啻萬株梅  
雲山疊々朝憑閣  
簾幙沉沉夜舉杯  
節物鼎來方自此  
酥花綵勝待春回

登東山

老慣人間歲月催  
強扶衰病上崔嵬  
生為柱石細事耳  
死盡雲臺何有哉  
熟計提軍出青海  
未如喚客倒金罍  
明朝日出春風動  
更看青天萬里開

題庵壁

衰髮蕭疎雪滿巾  
君恩乞與自由身  
身并猿鶴為三口  
家托煙波作四鄰  
十日風號未成雪  
一年梅發又催春  
漁舟底用勤相覓  
本避浮名不避人

山行過僧庵不入



垣屋參差竹塢深  
舊題名處懶重尋  
茶爐煙起知高興  
碁子聲疎識苦心  
淡日暉々孤市散  
殘雲漠々半川陰  
長吟未斷清愁起  
已見橫林宿暮禽

閒中書事二首

病過新年逐日添  
清愁殘醉兩厭々  
惜花萎去常遮日  
待燕歸來始下簾  
堂上清風生玉麈  
澗中寒溜滴銅蟾  
一生留滯君休歎  
意望天公本自廉

一畝山園半畝池  
流年忽速掛冠期  
賣花醉叟剝紅桂  
種藥高僧寄玉芝  
午枕為兒哦舊句  
晚窓留客筭殘碁  
登庸策免多新報  
老子痴頑總不知

小築二首

放翁小築寄江郊  
屋破隨時旋補茅  
暮看白煙橫水際  
曉聽

清露滴林梢  
生來不啜猩々酒  
老去那管燕々巢  
目斷鹿門三太息  
龐公千載可論交

小築湖邊避俗囂  
幾年於此寓簞瓢  
雖無隱士子午谷  
寧愧詩人丁卯橋  
羅雀門庭無俗客  
緣雲磴路有歸樵  
詩情酒興常相屬  
堪笑傍人說寂寥

窮居

半世俵々信所之  
窮居仍抱暮年悲  
燒金術誤囊衣薄  
種黍年凶酒味醜  
大厦萬間空有志  
後車千乘更無期  
掩書常笑城南杜  
麻履還朝受拾遺

西牕

西牕偏受夕陽明  
好事能來慰此情  
看盡客無寒具手  
論書僧有折釵評  
薑宜山茗留閑啜  
鼓下湖尊喜共烹  
酒肉朱門



非我事諸君小住聽松聲

耕罷偶書

新溉東臯畝一鍾烏犍粗足事春農  
灞橋風雪吟雖苦杜曲桑麻與本農  
老大斷非金谷友生存惟異酒泉封  
莫嘲野餉蕭條甚箭菑葦絲亦且供

過鄰家戲作

久脫朝冠岸巾時乘興過比鄰  
餅無儲粟吾猶樂步有新船子豈貧  
醅甕香浮花露熟藥欄土潤玉芝新  
相從覓笑真當勉又過浮生一歲春

簡鄰里

今年意味報君知屬疾雖頻未苦衰  
獨坐冷齋如自訟小鑄殘漆類分司  
開撐野艇漁簑濕亂插山花醉帽欹  
有興行歌

便終日逢人那識我為誰

戲詠閑適

涉世心知百不能閉門懶出病相仍  
簞瓢味美如烹鼎鄰曲人淳似結繩  
半顆鴉殘墻外杏一枝鵲裏澗邊藤  
蕭然掃盡彈冠興敢為詩情望武陵

閑中頗自適戲書示客

髮猶半黑臉常紅老健應無似放翁  
烹野八珍邀父老燒窮四和伴兒童  
剪紗新製簪花帽乞竹寬編養鶴籠  
巢許夔龍竟誰是請君下語勿匆匆

幽居述事四首

曾會蘭亭醉隨簪後身依舊住山陰  
琴傳數世漆文斷鶴養多年丹頂深  
滌硯灘頭無清墨吹簫月下遺音小  
詩戲述



幽居事後有高人識此心

頽然掩戶不妨奇又賦幽居第二詩大藥鼎成令虎守精思  
床穩用龜支壺中自喜乾坤別局上元知日月遲更就群童  
閑闔草人間何處不見嬉

落葉平溝日滿廊幽居又賦第三章喜無俗事干靈府恨不  
終年住醉鄉上樹榜船雖老健疏泉移竹亦窮忙山僧欲去  
還留話更盡西齋一炷香

舴艋東歸喜遂初頓拈枯筆賦幽居細燒栢子供清坐明點  
松肪讀道經蒼爪嫩芽開露茗紅根小把瀟煙蔬年來自許  
機心盡頗性飛鷗自作疎

感昔二首

三着朝冠入上都黃封頓醉渴相如馬慵立仗寧辭斥蘭偶

當門敢怨鋤富貴尚思還以笏衰殘故合愛吾廬燈前目力  
依然在且盡山房萬卷書

五丈原頭秋色新當時許國欲忘身長安之西過萬里北斗  
以南惟一入往事已如遼海鶴餘年空羨葛天民腰間白羽  
凋零盡却照青溪整角巾

夢蜀

宴飲成都好事家新粧執樂鴈行斜赭肩郾縣千筒酒照眼  
彭州百馱花醉帽傾歌歌未闋爵觥斂灑笑方譁霜鍾喚覺  
晨牕白自恠無端一念差

送敷文閣大學士汪公歸田

洪景廬

弱柳凝烟裊垂和風暖日正遲昔年鴈塔聯名處今夕  
襟園送別時得請羨公高志遂懷歸遣我寸心馳扁舟蓑笠



知何在回首松江悵後期

車駕幸玉津園晚歸進詩

五更猶自雨如麻無限都人仰翠華  
翻手作雲方悵望舉頭見日共驚嗟  
天公的有施生妙帝力堪同造化誇  
上苑春光無盡藏何須羯鼓更催花

王龜齡王嘉叟木蘊之同過小園用郡圃植花韻

筍到中 和暖尚餘東風隨處起芳華  
自慙駸駸以公三迳相對 蕭蕭馬五花  
老去醉鄉為日月年來痼疾在烟霞  
午橋別墅歸公手早定淮西取白麻

雪

党世傑

寶花天雨曉紛々佛界粧嚴盡白銀  
待騰風雲初接勢犯寒 糟蘗若為神園中  
芳草誰能賦江上梅花獨自春半臂騎驢

得佳句九原誰喚瀟陵人

响山驛亭阻雨

脫葉蕭々山木稠連墻飄沆海蓬秋浪  
回响島馮夷舞雲暗 蒼梧帝子愁欲往  
未行瀆僕馬乍來還去羨鷓鴣景踈樓下  
無邊水暫濯塵纓可自由

應制粉紅雙頭牡丹二首

卿雲分瑞兩嫣然鏡裏粧成穀雨天  
曉日倚欄閑妬艷春風 拾翠兩駢肩  
水南水北何曾見桃葉桃根本自仙  
夢想沉香亭北檻略脩花譜記芳妍

春意應嫌芍藥遲一枝分秀伴雙蕤  
並肩翠袖初酣酒對鏡 紅粧欲鬪奇  
上苑風煙工獻巧中天雨露本無私  
更看散作人間瑞萬里黃雲變兩岐



弔石曼卿曼卿嘗通守响山遣人以泥封壑核彈  
之山品石中其後花開滿山又嘗携妓飲山之石室間  
鳴絃為水車鐵馬聲

城頭山色翠玲瓏尚憶清狂四飲翁鐵馬冰車斷遺卿自桃花  
石室自春風生平詩價千鈞重身後仙遊一夢空想見蓬萊  
水清淺蓉城闕五雲中

和道彦至

山光凝黛水浮空地僻偏宜叔夜慵尚喜年登更冬暖敢論  
人厄與天窮君方有志三重浪我已無心萬里風擬葺小園  
師老圃綠畦春溜引連筒

示趙彥和

王子端

四柳危亭坐晚陰殷勤鷄黍故人心兒孫滿眼田園樂花木

成陰年歲深十畝蒼煙秋放鶴一簾涼月夜橫琴家山活計  
良如此歸興秋風已不禁

送士選山東外臺判官

秋天寥廓使星明光動山東七十城玉署文章厭閑吟繡衣  
風采試澄清人隨白鴈霜前到詩繞青山馬上成才力如君  
君未老只愁無地避功名

古瓶臍梅

趙周臣

石冷銅腥苦未清瓦壺溫水照輕明土花暈碧龍紋澁燭淚  
痕踈鴈字橫未許功名歸鼎鼐且收風月入瓶罌嬌黃喚醒  
朝陽夢漢苑荒涼草棘生

暮春得寒字

九日聊偷一日閑二分春事二分闌鄉關夢裡入空老風雨



夜來花又殘  
乍坼泥封糕  
酒熟未開火  
禁粥餽寒却  
思投効  
歸田去楊柳  
陰中把釣竿

靈感寺

徒河岍北白蓮東  
法鼓驚飛碣石鴻  
塔上風煙高鳥路  
山頭雲雨化人宮  
松林礙日蜂房冷  
石砌頽沙蟻穴空  
欲盡休公揮塵樂  
髮絲羞對落花風

即事

周德鄉

遠目傷心千里餘  
凜然真覺近狼須  
雲邊處處是青塚  
馬上人人皆白鬚  
正憶荒村臨古道  
不堪獨樹點平蕪  
誰人與話西園路  
梅竹而今似畫圖

和路宣叔梅

月底明肌粲  
壽陽道人呼入竹  
西堂安排臈味千  
鍾酒消破

春風萬斛香  
花鳥有情應見惜  
娥眉傾國故難藏  
西湖骨  
東坡遠又為君詩惱一場

僊和尚坐脫

趙文孺

識得從來覺性圓  
西歸隻履更翛然  
永嘉穩步曹溪路  
臨濟飽參黃栢禪  
桶底脫時無一物  
機輪轉處有三玄  
火中留得一莖草  
依舊光明爍大千

黃山道中

小穀城荒路屈盤  
石根寒碧漲秋灣  
千章秀木黃公廟  
一點飛雲白塔山  
好景落誰詩句裏  
蹇驢馳我畫畵間  
膏盲泉石真吾事  
莫厭乘閑數往還

用仲謙元夕詩韻

聞道藍田輞口在  
歌湖前日具飛航  
李膺定已回仙棹  
王績



無由入醉鄉薄宦繫人如坐井窮愁染髮欲成霜早知世界  
多官府只向人間作酒狂

盆池荷花

一泓寒碧粼波光雨後妖紅獨自芳不許纖塵污天質政須  
清吹發幽香洛神初試凌波襪妃子來從響石湯休笑埋盆  
等兒戲要令引夢水雲鄉

扈從車駕至荆山

海上飛來碧玉峯瑶林琪樹更青葱參差樓觀浮雲表顛倒  
山光落鏡中侍從有臣司碧落笑談無處不清風好分靈沼  
為膏澤乞與人間作歲豐

中秋

秋氣平分月正明藥珠宮闕對蓬瀛已驅急雨消殘暑不遣

微雲點太清簾外清風飄桂子夜深涼露滴金莖聖朝不奏  
霓裳曲四海歌驅即樂聲

弔張維翰維中兄弟

劉昂

蓮幕清曹署粉仙福兮禍倚豈其天座隅異物鵬來止地底  
佳城馬不前萬里清雲今已矣兩枝丹桂竟徒然阿奴莫愛  
聲名好碌碌持家亦自賢

送河南府尹張壽甫赴闕

魏飛卿

夜半息綸出漢宮朝家虛席待燕公春風已徧湖山外元氣  
還歸鼎鼐中侍從定誰清白鳳低回空自惜冥鴻洛川萬頃  
蒲桃碧長與清愁日夜東

次文遠韻

王逸賓

野性唯便閒寂處蒼苔鳥跡滿庭書林花過雨紅猶重籬竹



和煙翠亦踈已與農人成保社更令兒輩學耕鋤賞音只有東郊客日袖新詩到敝廬

記南塘所見簡孟友之

大橋南鄭野橋東十里垂楊十里風渺渺烟波連御道離離雲稼入郊官雨滋蔓草曉逾綠日映荷花晚更紅登覽只宜開笑口尊前六客四衰翁

冷崑公柳溪

劉正夫名中漁陽人左司都事

斗印輕拋擊肘金故園風物動歸心柳含烟翠絲千尺水寫天容玉一尋山色只於閑裏好風波不似向來深人間桃李栽培滿換得溪南十畝陰

赫中華求賦鄴臺張氏野堂

路宣叔

白沙翠竹小江村路轉西郊隔市塵入座好山如有素忘情

鷗鳥澹相親羊魁飯豆平生足澗草崑花各自春得酒誰能更羈束不妨倒着白綸巾

題鄒公所藏淵明歸去來圖

牛刀小試義熙前一日懷歸豈偶然有意候君門外柳無機還我酒中天貞姿佳菊秋霜裏真意南山夕鳥邊善學展禽唯此老萬人海裏小斜川

留仲澤

酈元輿

朝衫酒濕紫宸霞暫輟旌旗擁使華馳馬彎弓真將種載書囊筆自名家江湖萬里春回鴈燕趙千林月滿花明日升沈便霄壤更留玉樹倚蒹葭

寄唐州幕府劉無黨

白髮青山宦苦卑邊荒誰識鳳麟姿河西落魄高書記劍外



清貧杜拾遺紫玉山高傳杜夢蟻蛛淵淨照黃帔禁中頗牧  
他年事先遣江淮草木知

除夜

殊方節物老堪驚病怯諸鄰爆竹聲梨栗異時鄉國夢琴書  
叫夕故人情眼看曆日悲行歿淚濺屠蘇憶弟兄白髮明朝  
四十七又隨春草一番生

侯右承雲溪

楊之美

功成何許覓菟裘天地雲溪一釣舟夢破頰襟濯明月詩成  
醉耳枕寒流西風歸興隨黃鸝皎日盟言信白鷗政恐蒼生  
未忘在草堂才得畫中游

應制雪詩

陰雲破牖不曾晴瑞雪隨風落五更積玉未半鳩鵲飛花

先滿鳳凰城潤深農畝千疇綠塵龍沙萬里清最好壽杯  
浮喜色明年洗眼看升平

元日

香炷猶餘去歲煙五更斗柄已回天來從天外春何早俵向  
人間老不偏莫問流光似流水且從今日數今年東風五十  
七年夢夢覺還驚雪滿顛

太一秋

四崖環抱鏡光平數畝澄泓石底清寒入井頭千丈雪淨涵  
崑際一天星傍人爭出魚依勢銜葉飛來鳥護靈日之東風  
送潮出只應絕頂透滄溟

應制白兔

聖德如天物効祥褐夫新賜雪衣裳光搖玉斗三千丈氣傲



金風五百霜禁禦合樓瑤草影御爐猶認桂枝香中興慶事  
光圖謀黼坐齊稱萬壽觴

真味堂

李之純

問渠真味若為言不着塩梅也自全龜鼎大夫徒染指麴車  
公子漫流涎膏中已有五千卷徽外更聽三兩絃此老清饒  
何所嗜宦名嚼蠟已多年

猫飲酒

枯腸痛飲如犀首竒骨當封似虎頭嘗笑廟謀空食肉何如  
天隱且糟丘書生幸免翻盆惱老婢仍無觸鼎憂只向北門  
長臥護也應消得醉鄉侯

天游齋

丈人未始出吾宗草靡波流盡太冲七竅鑿開無混沌六根

滑落盡圓通法身兎角聲聞外塵事牛毛夢幻中誰會天游  
更端的瘦梅疎竹一窓風

偶得

包裹青衫已十年聰明更覺不如前簿書裏先抽手鼓笛  
場中少息肩瓶底剩儲元亮粟叉頭高掛老坡錢會湏着我  
屏山下了却平生不問天

肅客借重金紫綬

袁詒友

平生青紫濫紆身更冒金章肅使賓何似假為誠豈敢烏知  
非有笑無因猿狙自是羞華服鵝鷺姑容接後塵回首紛紛  
天下事有時宜假不宜真

次韻奉答諸公二首

汪大猷

自入中書不計年只將方寸作良田桑榆物外都無累桃李



人間賸有緣，放意不妨娛。綠野勤功何必向，燕然姓名元在  
丹臺上。千歲徜徉小洞天，  
衰年已過縱心期。安得聰明及往時，既老固應全晚節。雖貧  
豈暇計留資，元非矯飾求為異。自是行藏要合宜，曾記詩僧  
林下約為將。蹤跡報渠知。

和姜梅山見寄

投分雖深迹却疎，君居東婺我西湖。兒曹方喜承毛檄，父執  
應容效鯉趨。慨念舊遊多宿草，僅餘二老見霜鬚。詩來喚起  
相思夢，又向梅山得楷模。

大翰類選大成卷五十六

